

審陽紀程

遼海叢書


張延厚



敘

余官樞曹八年與兩人尙書同直爲最久道光己丑隨扈瀋陽登澄海樓陟醫巫閭往還六十六日並轡而從公並几而起草無日不形影相隨硯席與共者余成紀程詩五十首當時相國曹文正公激賞爲題辭出示所作其數適符忽忽二十餘年昨抵京師見斌笠耕侍郎遺藁中有和余紀程詩元韻如數茲讀兩人尙書遺墨自松山杏山至盛京又渡薩爾濟至興京所敘歷歷如繪並錄余鐵篴橫吹七星響句以志激賞於是益歎師友先後之交契總不越語言文字間閱時旣久爲之慨然

咸豐四年甲寅冬十月詩舲張祥河敘



瀋陽紀程

道光己丑年

江寧何汝霖撰

八月十八日午初起程出東便門酉正至煙郊帳房已支搭齊備三河尹同鄉余君以酒食餽因邀喬見齋張詩舲傅秋坪同飲戌正就寢不寐亥初大雷雨丑初止即行

十九日上駕午初到直務頗簡散後與詩舲秋坪訪徐穎堦閒話因駝隻裝重再添一隻屠如可贈馬頗良戊刻雨一陣

二十日丑初上車卯正至白澗途中泥淖異常

二十一日子正起丑初行卯正至陳新莊夜色甚佳

二十二日卯正至八里鋪

玉田縣

途中大雷雨僕人喜兒所乘馬逸去

行五里許覓得黃羸不服駕馭車行極滯策矣

二十三日卯正至豐潤城外騎馬至五里墩是日事簡散後看祁春圃許演生兩供奉天氣熱燥

二十四日丑初二刻登車入灤州境至遷安四山環繞有江南風景再騎馬行十里始抵柳新莊大營申初散直

二十五日夜過盧龍長橋約二里許水聲洶湧成梁殊不易易也

灤即

水

卯刻抵大營行宮在夷齊廟旁駕未至偕同直諸人瞻仰各座落結構巧麗無匹中秋水閣一所南北窗嵌玻璃大三四尺北窗外臨灤河一望瀾漫真鉅觀也水面浮小艇數十點綴亦頗工出謁夷齊廟神像冕服後有孤竹亭清風臺大門額以清節廟碑立如林列聖題詠具在廟居城內臨高阜下瞰灤水勢極雄壯對面即首陽山二十六日丑初過灤河橋橋長二里許水聲潺潺兩岸插紅燈數百儼然元宵光景過二十里又有青龍河橋長里許亦插燈申正散直祝詩舲慈壽就行幄中設筵十人同飲亦客途一樂也

二十七日住深河村應行六十三里而繞避正道十分迂曲約行八十餘里人馬俱困乏已午正大雷雨行帳中頃刻水深二三寸竟無

插腳處幸爲時不久且直務亦簡耳

二十八日文殊庵行宮卯刻偕樞友進內瞻仰是日坐朝房辦事較席地者有勞逸之判矣午初微雨上於途中墜馬圉人逐出內廷道泥淖甚降旨切責晚與詩舲秋坪穎遲小飲談澄海樓去行帳十五里未能一登彼此悵悵

二十九日晴霽丑正行穿臨榆縣城出山海關道途泥淖人馬多傾陷者計程才四十九里歷三時甫到中前所路過姜女廟廟內有峻石高數丈上鐫望夫石三字出關後萬山環抱氣象宏敞較關內迥殊已

三十日晴爽子正即登車卯正到周家村

七十

看蒙古包陳設等件

與座落無異

九月初一日住沙河所七十八里辰初一刻到竟日無事夜過小橋翻車下臨深淵危極已刻大風捲沙不能張目詩舲約小飲

初二日住五里河丑初登車行十里許密雨連綿天黑如漆潢潦滿道車行艱澀異常越四時始抵大營而官帳房尙未到因僵立泥淖以待迨支帳而淤泥與糞堆積不可除臭氣逼人席地而坐仍復揮毫作楷數百生平之苦未有過於此者申初散直

初三日晴夜間路頗難行辰正抵杏山大營山峙對面營有御碑亭一仁廟紀松山杏山戰勝之績載祖大受洪承疇事甚詳

初四日早晴午後又作雨勢住興隆屯大營涼甚

初五日晴夜過大淩河居民稠密一巨鎮也過河後好山層疊奇兀幾於應接不暇辰正抵金剛屯行營

初六日陰東北風大捲沙蔽目車中披裘猶寒辰初至北鎮廟廟內有覽秀亭仰止堂御碑林立又有大石一長丈餘形如縣磬

上刻補天石翠

雲屏碑屹鎮幽方華亭沈荃題

廟旁即行殿傍醫巫閭山之東麓山縣亘百餘里奇

峯插天青紫相間不可形狀相傳山之陰即熱河云

初七日仍東北風竟夕狂吼幾將拔舍幸是日音德密卯正起廿日
來精神罷倦得此乃圓復矣直屋窄甚未刻散

初八日晴朗住常家屯未正散直僕人李忠墜馬

重九日住蔣家店小雨晚虹見過醫巫閭後兩日所經皆一望平原

白沙滿道真見塞垣氣象已

途中得句云大漠開
千里好山無一重

初十日住黃旗堡一路皆沙漠平原也家申畬先生

增元

壽同人各

以酒食祝客中酣飲亦頗盡歡

十一日晴黎明冷甚披裘坐車中猶覺酸風刺骨也過巨流河水聲

潺潺有萬馬奔騰之概浮梁數十丈橫壓中流牽以巨纜圓如盎口

車行浮梁殊戰慄也過此沙沒馬足遍道沮淤大營住老邊

明時此
以柳爲

地是日自丑至巳行九十餘里始駐足困乏異常行帳與寺人鄰聒

噪之聲殊難入耳

十二日住大台榆樹成行道亦平坦

十三日晴丑初行過嶺高里許者凡四五見車中不能安坐因步行入山後左峭壁巉巖右渾河浩蕩岸多垂柳路僅容一車大營住噶布垓滿友言噶布譯饒昔以居者多饕餮故名或亦想當然與

十四日大霧障目已刻始行住蓮花背大營營倚山麓衆山雜遝或取蓮華峯意耶竟日無事未初即散

十五日夜過英家溝古魯邨山梁數十丈因下車步行寅刻大雷震山谷雨雹寸許車中衣物皆溼幸歷半時即止辰初抵上夾河大營一路萬山雜遝黃葉繽紛儼然江南風景

十六日丑初登車月明如晝入山後峻嶺疊見大霧漸密布對面不見人矣道路泥滑車行十分艱澀已初到夏原行宮四面皆山奇峯插漢蔚然深秀真如山陰道上令人應接不暇也

十七日音德密直務簡甚偕馬厚荈

光潤

秋坪顓墀策馬赴永陵飽

看山色紅樹參差門外萬山擁護長河一道水皆西流古榆一株高

立陵巔相傳爲天命年間物殿宇不甚宏敞想見當年渾樸之風而虎踞龍蟠氣象深邃又非石門易州所可擬過陵街市塵喧闐大類都門是日晴早霜如雪

十八日夜月朦朧丑初即行披裘而坐辰初抵上夾河西大營一路看山較來時又添幾樹紅葉已上駕由東門入同直站班自是日始散後偕秋坪穎墀循山閒步至五里外有奇石突兀高數十丈紅樹冠其巔山下流泉之聲淙淙沁人心骨

十九日夜冷甚早霜如雪月下行四十里天始明重抵蓮華背飯後與秋坪穎墀策馬繞山行六七里而山勢平坦不及昨所見之奇崛矣

二十日晴霜重歸程第三日矣卯正重抵噶布垓竟日無事聞途中有虎嚙兵者言之確鑿亦殊可畏

二十一日晴爽駐馬官橋大營散後策馬謁福陵萬山環抱天然峯

巒目所未覩也碑陰石上有觀音大士象衣摺皆具亦足徵造化之奇

二十二日抵瓦子峪散後進盛京城與詩舲同寓稅務司後錦生帽局月餘未住瓦屋今宵魂夢俱安矣

二十三日小雨卯正赴盛京宮直房房三楹滿漢各居其一余留守晚門酉刻散是日因伏風體中甚不適

二十四日晴涼是日直務十分冗雜寅正至申正始散直房在大清門之西按清門外東牌樓爲文德坊西牌樓爲武功坊即稱東華門西華門係崇德三年造大清門階上立木架一如鎧座式相傳當日令進諫者置奏書於其上即謗木遺意也東爲太廟廟前稍南有亭一亭內石幢六面皆鐫字語多佛號特模糊不辨年代耳又東爲大政殿殿東西列亭十相傳爲十王議政之所規模宏敞無異都京二十五日晴爽著蟒衣隨班朝賀先是三日前上命恭進滿漢軍機

章京名單至是賜綠綳各一端

二十六日晴辰刻在大清門外謝恩行九拜禮直務甚簡散後赴彭寶臣學使浚公讌之招與同人飲暢甚

二十七日晴班務稍繁有宗室關住豪橫無匹在宮門外大呼老太汗祖宗堂派余與賽鶴汀尙阿傳訊不至堂上親訊猶崛強不服所言皆口角細故供詞則曉曉數千言矣

二十八日晴和入直後知關住昨在直房書供一夜申審候至子正方散迨天明伊又大聲呼冤得旨交將軍審訊旋押去同人午刻散賞馬二匹

二十九日晴暖班務甚簡散後傳徐兩公走前營余令僕人預將帳房運往備明晨早支搭也

買虎脛骨一對

三十日夜甚暖天遂陰丑初自盛京登車卯正即到老邊大營微雨數陣轉西北風又涼而晴矣在東門站班

十月初一日在黃旗堡班務簡午後東河安瀾報到

初二日夜微陰旋放晴辰初到蔣家店申正散行帳仍住來時地址
僅隔廿二日而綠柳全黃秋風蕭瑟矣

初三日晴早涼午仍暖住常家屯申正散直晚與見齋秋坪詩舲頴
墀小飲飯後散步片時見新月

初四日晴夜冷欲僵重裘不足禦之辰初抵北鎮廟重見醫巫閭山
班務甚雜振筆直書自未至西方罷散直已日落矣聞此地聖水盆
觀音閣極稱名勝惜無暇遊歷不勝悵然

初五日晴夜仍冷午後暖住金剛屯酉正傳諭次日駐蹕當即上門
寫交片傳知內閣侍衛處戌初又傳次日仍起程而追各處走前營
者遊騎已滿道矣

初六日寅刻隨樞堂在東門請聖安卯初登車過大淩河辰正到興
隆屯大營上是日乘輿未正到酉初散直

初七日晴重抵杏山南河奏報安瀾是日散直略早然亦申正一刻矣

初八日大風抵五里河卹事簡甚

初九日晴冷飛砂撲面自丑至辰始抵沙河所營路途之長誠遙遙已申初散直

初十日夜半登車風狂如吼重裘仍戰慄也辰正抵周家卹上駕午正到同人著蟒衣站班是日恭逢太后萬壽隨衆行祝嘏禮

十一日冷風益大住中前所著大毛猶不足禦寒申初散直偕申畚見齋秋坪穎墀策馬至海岸汪洋浩瀚目所未覩遇慶郡王同策騎歸日已銜山矣計往返二十餘里

十二日抵姜女廟廟據山巔百級始上行數里至紅牆即直隸界總督以下來迎鑾者半道道途平坦堅實守兵甚齊進關繞道至澄海樓樓三面臨海波濤掀湧近在足底誠巨觀也遠望巨艦如芥揚帆

東來其疾如駛樓二層樓下碑二一曰天開海岳一曰一勺之多旁
即天后宮海神廟龍神廟申正散直

十三日西南風如虎飛砂迷目竟日不止文殊庵音德密一日未經
登車

十四日夜小雨辰正抵深河卹是日事繁鐙時散直

十五日霜重抵朝陽坡奇峯插天雄秀可愛酉正散直

十六日霜住夷齊廟直務極繁上鐙後散直

十七日晴午後暖如中秋車中卷簾看山崇岡起伏新霜滿地白草
俱枯惜無紅葉數株點綴秋景耳辰刻重抵柳新莊詩舲以所作澄
海樓長調見眎余極賞其羽衣起舞雙鶴翔鐵簷橫吹七星響之句
同鄉葉大尹德豫以鮮果見贈與同人分食之

十八日夜間大風捲雨行帳欲拔寅刻雪積一二寸閉置車中不知
所過好山又幾重也少頃放晴月光如晝而泥沙沾滯馬蹏車行頓

緩越三時始抵豐潤之五里墩

十九日夜冷如冰風聲如吼行抵八里鋪行幄旋支旋塌幾無立足地且班務甚繁自未至申始散內圍例不點火同人在帳外執筆立書苦狀可矧

二十日風益勁山行七十餘里抵隆福寺寺在半山行宮即居其右萬山環列老樹蔥然行宮大門則小樓數椽額題坐攬煙霞二門之右有半天舫者高出樓上計五楹前後裝飾陳設極精潔宮監云是大臣造膝之所此後則有亭四或圓或八角俛臨水榭兩廊嵌石數十方皆高廟御筆所臨各種法帖也申正散直行帳住山坡下晚則萬籟高下密如繁星真天家富麗也

二十一日晴夜大風行抵桃花寺行宮在山巔盤旋而上約三百餘步頗不易也直房在半山之西偏共五楹堂居其中爲穿堂直友二楹滿漢各占其一早晨瞻仰行宮地皆堆石泉聲清冷可愛窗外